



24. marts 2009

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna nassiuppara:

Naalackersuisunut apeqqut: Atuisunut Siunnersuisoqatigiit atuisunut siunissami tamakkii-nerusumik sullissisinnaalernissaat anguniarlugu Atuisunut Siunnersuisoqatigiit susasaqarfiinut makku ilanngunneqarsinnaanerannut suna/suulluu aporfiuppat?:

- **Nunatsinni kallerup inneranik atuineq**
- **Ineqarneq**
- **Oqarasuaatitigut internetsikkullu atuineq.**

(Inatsisartuni ilaasortaqaq Isak Davidsen, Siumut)

Tunngavilersuut:

Nunatsinni Illoqarfinni nunaqarfippassuarnilu atuisartut siunnersuisoqatigiiffiata atuuffigisaani pisiniarfinni pisiassat annertunerusumik akulerusimaffigineqarput.

Nunatsinnili atuisut illersorneqarnissaat eqqarsaatigalugu oqallisigisariaqarparput siunissami anguniarneqassasoq Innaallagissamik kiisalu Ineqarnikkut aammalu Telemit sullinneqarnermi atuisut Atuisunut Siunnersuisoqatigiiffiannit aamma pisussaaffigilerneqassasoq taakkuninnga atuisut maalaaruteqartillutik illersorneqartalernissaat anguneqarsinnaassammat.

Ajuusaarnaraluartumik maannakkut atuisut atuisartut siunnersuisoqatigiiffiannit taaneqareersunut annertunerusumik ikiortissarsiorsinnaanngillat, sulisinneqartut Atuisartut Siunnersuisoqatigiiffiat allamut tunngasunik suliaqartitaammat.

Atuisut nunatsinni illersorneqarnissaat pingaarluinnartuuvoq, maalaartoqartillugumi toqqaannartumik susasaqartunut ingerlanneqartarpoq, suliarlu arreeqisumik ingerlanneqartarluni, atuisut maalaaruteqartut Atuisartut Siunnersuisoqatigiiffiannit qulaani taasannut attuumatitaanngimmata. Taamatut Naalackersuisut apeqquteqaammut nassuiaateqarnerisa kinguneriniassavaa atuisuusut nunarput tamaat annertunerusukkut ikiorserneqarnissaat, aammalu Atuisartut Siunnersuisoqatigiiffiata atuisuusut sinnerlugit maalaarutininik suliaqarsinnaanerata ammaassiffigineqarnissaata Inatsisartunut apuunneqarsinnaanissaa.